



Ilmo Concello de
CAMBADOS
(Pontevedra)

ACTA DA SESIÓN ORDINARIA CELEBRADA POLO PLENO O 24 DE FEBREIRO DE 2017.

ASISTENTES:

PRESIDENTA:

Abal Roma, Fátima (P.S.deG.-PSOE)

CONCELLEIROS:

Abal Varela, José Ramón (Cambados PODE)

Aragunde Aragunde, Luis (P.P.)

Brea Troncoso, Mónica (P.P.)

Caamaño Rivas, Víctor Manuel (B.N.G.)

Cacabelos Domínguez, María Josefa (B.N.G.)

Charlín Trigo, Xurxo (Participación Democrática Directa de Galicia/Somos Cambados)

Cordal Rodríguez, Constantino (Participación Democrática Directa de Galicia/Somos Cambados).

Gómez Blanco, Juan Ramiro (P.P.)

Iglesias Pombo, Antonio Joaquín (P.P.)

Martínez Piñeiro, Milagros (P.S.deG.-PSOE)

Oubiña Santos, Ana Isabel (P.P.)

Pérez Osorio, Miguel (P.S.deG.-PSOE)

Prado Cores, María Teresa (B.N.G.)

Serantes González, Luis Alberto (P.P.)

Varela Piñeiro, María Isabel (P.P.)

NON ASISTE:

Pomares Botana, Eulogio (P.P.)

SECRETARIO XERAL

D. Francisco Javier Oubiña Lodeiro

No Salón de sesións da Casa Consistorial, sendo as vinte e unha horas e cinco minutos, reúdense en primeira convocatoria os Concelleiros citados anteriormente, ao obxecto de celebrar a sesión ordinaria do Pleno, asistidos de min, o secretario xeral do Concello quen certifica.

Comprobada pola Secretaría a existencia do quórum necesario, declárase polo Sr. Alcalde-Presidente aberta a sesión, con arranxo ao seguinte orde do día:

ORDE DO DÍA

1º.- APROBACIÓN INICIAL, SE PROCEDE, DA MODIFICACIÓN DA ORDENANZA FISCAL REGULADORA DA TAXA POR ENTRADA DE VEHÍCULOS A TRAVÉS DE BEIRARRÚAS E TERREOS DE USO PÚBLICO CANDO DEN ACCESO A ESTABLECEMENTOS INDUSTRIAIS OU COMERCIAIS RESERVAS DE VÍA PÚBLICA PARA APARCAMENTO EXCLUSIVO, PARADA DE VEHÍCULOS, CARGA E DESCARGA DE MERCADORÍAS DE CALQUEIRA CLASE.



Ilmo Concello de
CAMBADOS
(Pontevedra)

"Procede o secretario á lectura do dictame que é o seguinte:

A Comisión Informativa Permanente de Facenda e Patrimonio, en sesión extraordinaria celebrada o 20 de febreiro de 2017, emitiu ao amparo do previsto no artigo 126 do Real Decreto 2568/1986, do 28 de novembro, polo que se aproba o Regulamento de Organización, Funcionamento e Réxime Xurídico das Entidades Locais, e 65 do Regulamento orgánico municipal o seguinte dictame que ten carácter preceptivo e non vinculante:

Aprobación inicial, se procede, da modificación da Ordenanza fiscal Reguladora da Taxa por entrada de vehículos a través de beirarrúas e terreos de uso público cando den acceso a establecementos industriais ou comerciais reservas de vía pública para aparcamento exclusivo, parada de vehículos, carga e descarga de mercadorías de calqueira clase.

Intervén o Sr. Charlín Trigo quen explica que o motivo da modificación que se propón responde a unha demanda veciñal e consiste en trocar o sistema para determinar o número de prazas de aparcadoiro en locais sen división horixontal, que antes viña determinado pola división entre a superficie total e agora realizárase en base a un informe técnico de xeito que determine cal é o número de prazas que poidan ocupar nese garaxe.

O Sr. Charlín Trigo dí que non existe informe sobre este expediente xa que o concello non conta con interventora ao haber cesado a anterior e non chegar aínda o nomeamento da nova interventora e dalle a palabra ao secretario quen dí que se trata dunha modificación normativa que non afecta ao cadro de tarifas, nembargantes e en atención ao previsto na lexislación debéra emitirse informe por parte da intervención municipal e constar cun informe técnico-económico aínda que como se dixo non afecta ao cadro de tarifas.

Sometida a proposta a votación acádase o seguinte resultado:

Votos a favor 4 (Srs. Charlín Trigo, Prado Cores, Perez Osorio e Abal Varela)
Abatencións 3 (Aragunde Aragunde, Iglesias Pombo e Serantes González)

En consecuencia queda dictaminada a proposta do Concelleiro de Economía, Facenda, Industria, Promoción Económica e Comercio os seguintes termos:

PRIMEIRO.- Aprobar inicialmente a modificación do parágrafo do artigo 5 da Ordenanza Fiscal Reguladora da Taxa por entrada de vehículos a través de beirarrúas e terreos de uso público cando den acceso a establecementos industriais ou comerciais reservas de vía pública para aparcamento exclusivo, parada de vehículos, carga e descarga de mercadorías de calqueira clase, sendo a redacción dada polo Concelleiro de Economía, Facenda, Industria, Promoción Económica e Comercio.

SEGUNDO.- Dar ao expediente a tramitación e publicidade preceptiva, mediante exposición do mesmo no taboleiro de anuncios deste Concello por prazo de trinta días hábiles, publicando o anuncio de exposición no Boletín Oficial da Provincia e



Ilmo Concello de
CAMBADOS
(Pontevedra)

nun diario dos de maior difusión da provincia. Durante o prazo de exposición pública do expediente os interesados poderán examinalo e expor as reclamacións que estimen oportunas.

TERCEIRO.- Considerar, no caso de que non se presentasen reclamacións ao expediente, no prazo anteriormente indicado, que o acordo é definitivo, en base ao artigo 17.3 do Real Decreto Legislativo 2/2004, do 5 de marzo, polo que se aproba o Texto Refundido da Lei Reguladora das Facendas Locais.”

Rematada a lectura intervén o Sr. Charlín Trigo quen dí que o Pleno da Corporación, no uso das facultades, acordou aprobar a Ordenanza Fiscal da Taxa por entradas de vehículos a través das beirarrúas e terreos de uso público cando dean acceso a establecementos industriais ou comerciais, reservas de vía pública para aparcamento exclusivo, parada de vehículos, carga e descarga de mercadorías de calquera clase do Concello de Cambados, elevouse a definitivo o acordo, publicándose o seu texto íntegro, para xeral coñecemento no Boletín Oficial da Provincia de Pontevedra de data 21 de Decembro de 2012. Esta norma no artigo 5, onde establece a cota tributaria, especifica para os locais onde naqueles casos en que a tarifa se multiplique polo número de prazas e o local non se encontre efectivamente dividido, tomarase como número de prazas o resultado de dividir entre 20 a superficie total en metros cadrados do mesmo, incluíndo ramplas, zonas comúns, etc. No caso de ser descuberto, dividirase entre 30. Con este calculo non se ten en conta os garaxes que teñan unha gran superficie pero que por culpa da súa distribución, pola contra, non poidan acceder un gran número de vehículos, ou que pola distribución dos piares de cargas o número de prazas sexa moito menor o que se establecería aplicando a norma actual, dividindo o total da superficie do garaxe entre unha cantidade fixa, cando pola contra os informes técnicos deixen claro cal é o número de prazas que poidan ocupar nese garaxe pero que non coincide co dato que sae o aplicar a formula existente na actual norma. Estas eivas xa foron transmitidas en persoa ao concelleiro responsable da area, por parte de varios veciños que se ven afectados por unha taxa superior o número de vehículos que poden acceder ao garaxe da súa propiedade, se ben existen numerosas ordenanzas doutros concellos que aplican este mesmo sistema que ven utilizando o concello de Cambados, existen outros que deixan en man dos técnicos municipais en función da emisión dun informe o número de prazas de aparcadoiro que poden ocupar un garaxe cando o mesmo non esta efectivamente dividido

Prosegue dicindo que entenden que é unha reclamación xusta, que deben tributar polos vehículos que entren no aparcadoiro, que non hai interventor co que non hai informe deste departamento se ben a repercusión económica non vai a supoñer de ser o caso significativa.

Intervén o Sr. Aragunde Aragunde quen dí que están a favor pero que coa ausencia do informe de intervención se van a abster.

Sometida a proposta a votación acádase o seguinte resultado:

Votos a favor 9 (membros dos grupos do P.S.deG.-PSOE, B.N.G., Participación Democrática Directa de Galicia/Somos Cambados e mixto)



Ilmo Concello de
CAMBADOS
(Pontevedra)

Abstencións 7 (membros do grupo municipal do PP).

En consecuencia queda aprobada inicialmente a modificación da Ordenanza fiscal Reguladora da Taxa por entrada de vehículos a través de beirarrúas e terreos de uso público cando den acceso a establecementos industriais ou comerciais reservas de vía pública para aparcamento exclusivo, parada de vehículos, carga e descarga de mercadorías de calqueira clase nos termos en que foi presentada, sendo o texto da mesma o seguinte:

Artigo 5.—COTA TRIBUTARIA (...)”- Naqueles casos en que a tarifa se multiplique polo número de prazas e o local non se encuentre efectivamente dividido, tomarase como número de prazas o resultado do calculo realizado polos técnicos municipais no que se describan as prazas que poidan ser ocupadas por vehículos que teñan acceso ó estacionamento de forma independente, e que permita a entrada no garaxe independentemente dos vehículos xa estacionados e permita o seu estacionamento libremente.

2º.- MOCIÓN DO GRUPO MUNICIPAL DO PP PARA SOLICITAR Á DEPUTACIÓN UN PROTOCOLO DE ACTUACIÓN ESPECIAL PARA FACER FRONTE AOS DANOS PRODUCIDOS POLOS TEMPORAIS.

Intevén o Sr. Aragunde Aragunde quen non vai ler a exposición de motivos que todos saben o que aconteceu do 2 ao 5 de febreiro, que a deputación antes facía un protocolo e distribuía o persoal e a maquinaria, que a súa sorpresa foi cando o venres visitou as instalación do parque de maquinaria e observou que a meirande parte da maquinaria estaba alí sen moverse, que houbo desperfectos e árbores tiradas, que as brigadas non teñen maquinaria pesada e que esa maquinaria debeuse poñer a disposición. Dí que les solicitaron tratar de unificar as dúas mocións que veñen hoxe ao pleno porque é certo que eles piden este protocolo e que se habilite unha partida para axudar aos concellos máis afectados, quen en ningún lado se dí que a deputación non teña competencias. Remata dicindo que debería crearse unha comisión mixta Xunta de Galicia Deputación de Pontevedra e que traen esta moción para que futuro estean máis preparados. O texto íntegro da moción é o seguinte:

“MOCIÓN PARA SOLICITAR Á DEPUTACIÓN UN PROTOCOLO DE ACTUACIÓN ESPECIAL PARA FACER FRONTE AOS DANOS PRODUCIDOS POLOS TEMPORAIS.

O pasado 1 de febreiro a Dirección Xeral de Emerxencias e Interior de Galicia emitíu un aviso de alerta por episodios de fenómenos meteorolóxicos adversos, fixando un nivel de alerta vermella, que acadaría a súa máxima virulencia a partir do xoves día 2, especialmente nas provincias de Pontevedra e A Coruña.

Na provincia de Pontevedra cumpríronse as peores previsións, acadándose rechas de vento de máis de 150 quilómetros/hora e choivas que nalgúns puntos acumularon máis de 100 l/m², provocando cuantiosos danos materiais ao longo de todo o territorio entre o xoves e o domingo, como caída de árbores, desbordamento de ríos, caídas de teitos e outras estruturas, ou desprendemento de taludes nas estradas.



**Ilmo Concello de
CAMBADOS
(Pontevedra)**

A provincia de Pontevedra foi a máis castigada de toda Galicia, como o demostran as cifras rexistradas na Axencia Galega de Emerxencias, que a través do 112 rexistrou nesa fin de semana máis de 2.000 incidencias.

Os concellos da provincia de Pontevedra víronse desbordados polas numerosas incidencias que tiveron que atender, no só para reponer e asegurar os bens de titularidade municipal, senón tamén para atender aos vecinos que sufriron a virulencia do temporal nos seus propios inmobles.

Pola súa parte, a Deputación de Pontevedra, pese a que coñecía con suficiente antelación as previsións do temporal con nivel de alerta vermella, e pese a que viu como cada día os danos provocados polo temporal ían en aumento en todo o territorio, non dispuxo de un operativo especial de actuación aproveitando os seus propios medios, nin para as estradas da súa titularidade, nin para auxiliar os danos que se estaban a producir nos concellos da provincia.

Durante toda a fin de semana que durou o temporal, o parque de maquinaria estivo pechado e coa maquinaria paralizada, pese a que dispoñen de máquinas suficientes con capacidade para dar resposta a moitas das incidencias que se producían: camións grúa, moto-bomba, máquinas varredoiras de estradas, palas excavadoras, etc.

Aínda que as incidencias nas estradas provinciais foron numerosas, tampouco estiveron activas todas as brigadas de mantemento e conservación de estradas provinciais, o que obrigou a que os efectivos que si estaban traballando tiveran que redobrar esforzos, e tiveron que facelo, ademais, sen contar coa axuda que sempre lles prestou a maquinaria do parque provincial.

Por todo iso, solicitamos a adopción do seguinte ACORDO

1. Instar ao goberno da Deputación de Pontevedra a poñer en marcha un protocolo de actuación especial para facer fronte aos danos provocados por temporais, no que se dispoña da maquinaria e de demais efectivos cos que conta a institución provincial, desde o primeiro momento en que se manifesten os danos.
2. Crear unha liña específica de axudas aos concellos para paliar os danos dos temporais."

Intervén a Sra. Martínez Piñeiro quen dí que o seu voto vai ser desfavorable, básicamente porque existe unha falta de competencias, no que respecta ao primeiro punto no que se insta ao goberno da Deputación de Pontevedra a poñer en marcha un protocolo de actuación dí que iste protocolo xa existe e que xa se activou, o persoal de mobilidade estaba activo neses días e actuou nas vías provinciais e naqueles puntos para os que foron requiridos, que o parque de maquinaria non pechou e ademais o consorcio de bombeiros estivo participando en todos os servizos nos que tamén foi requerido, que se asumiron todos os danos das estradas provinciais e naquelas situación de emerxencia nas que estaba en perigo a poboación. Con respecto ao segundo punto de crear unha liña específica de axudas



Ilmo Concello de
CAMBADOS
(Pontevedra)

aos concellos dí que a deputación non pode asumir competencias que non lle son propias xa que é competencia da Xunta de Galicia.

Ábrese unha segunda quenda de intervencións.

Intervén o Sr. Aragunde Aragunde quen dí que non existe ningún protocolo xa que pediron, que se existise sería bastante nefasto xa que a maquinaria debe estar distribuída nos concellos, que felicitan ás brigadas polos traballos realizados pero que non estaban todas operativas. Remata dicindo que non hai ningunha lei que diga que a deputación non poida actuar.

Intervén a Sra. Martínez Piñeiro quen dí que que non llo pasaran por escrito non quere dicir que non exista. Incide en que a deputación non ten unha competencia directa na creación de liña de axudas a que se refire o apartado 2º da moción.

Intervén o Sr. Aragunde Aragunde quen dí que hoxe na deputación aprobouse unha modificación de crédito de 14.000.000,00 de euros, dos cales 7.000.000,00 de euros son para Vigo e Pontevedra e que deben acordarse dos concellos pequenos co que poderían habilitar unha partida para esta finalidade.

Intervén a Sra. Martínez Piñeiro quen dí que a deputación colabora e colaborará cos concellos e proba dilo foi o cas de Redondela.

Intevén a Sra. Alcadesa quen dí que tamén foi á deputación unha modificación para a remodelación do cuartel da garda civil de Cambados e que o PP votou en contra ao que o Sr. Aragunde resposta que non foron as formas correctas.

Sometida a moción a votación acádase o seguinte resultado:

Votos a favor 7 (membros do grupo municipal do PP).

Votos en contra 9 (membros dos grupos do P.S.deG.-PSOE, B.N.G., Participación Democrática Directa de Galicia/Somos Cambados e mixto)

En consecuencia queda rexeitada a moción do grupo municipal do PP para solicitar á deputación un protocolo de actuación especial para facer fronte aos danos producidos polos temporais.

3º.- ACORDO DE GOBERNO PARA RECLAMAR Á XUNTA DE GALICIA UN PROTOCOLO DE ACTUACIÓN ESPECIAL PARA FACER FRENTE AOS DANOS PRODUCIDOS POLOS TEMPORAIS.

Intervén a Sra. Martínez Piñeiro quen dí que seguindo os argumentos citados anteriormente e que debido a falla de previsión da Xunta de Galicia xa que un ano máis non se limparon os cauces dos ríos e que non se levaron actuacións de prevencións dos temporais cren que deben instar á Xunta de Galicia:

O texto íntegro da moción é o seguinte

”



**Ilmo Concello de
CAMBADOS
(Pontevedra)**

EXPOSICIÓN DE MOTIVOS

Vimos de sufrir nos últimos días os danos e consecuencias dun tren de borrascas convertidas en verdadeiros temporais que azoutaron os nosos pobos con fortes ventos e chuvias torrenciais.

E de novo, a falla de previsión da Xunta de Galicia, que un ano mais, nin limpou os cauces dos ríos nin fixo labores de prevención ante os temporais que todos os anos se producen na nosa terra, deixou un interminable rego de danos tanto públicos como privados.

É evidente que a Xunta de Galicia nin asume súas responsabilidades, nin explica os motivos que lle levan a permitir que esta situación de emerxencia se repita ano tras ano.

Por elo, debemos exixirle que de unha vez por todas habilite fondos suficientes para facer fronte a todos estes danos, e que se busque, en coordinación coa FEGAMP, un protocolo de actuación ante situacións de emerxencias, que estableza os mecanismos necesarios para determinar como se valoran os danos, que organismo autonómico debe asumilos e como deben proceder os afectados para a súa reclamación. É dicir un protocolo de resposta e atención inmediata permanente no tempo.

E que as consecuencias dos últimos temporais foros moitas e graves na provincia de Pontevedra, onde os nosos veciños e veciñas viron como os seus servizos básicos sufriron todo tipo de problemas, sendo o mais problemático os continuos corte do subministro eléctrico.

Estes costes deixaron en evidencia o que xa todos sabíamos, que os tendidos eléctricos en moitas comarcas e en parroquias dos nosos concellos teñen un mantemento moi baixo e necesitan dunha urxente renovación.

Temos claro que é moi urxente que a Consellaría de Industria impulse un estudo de mellora das instalacións eléctricas do noso Concello para acometer mais tarde as infraestruturas necesarias para evitar nun futuro situacións parecidas as dos últimos días.

Ao mesmo tempo, os servizos de consumo da Xunta de Galicia deberían abrir expedientes de oficio as compañías subministradoras de electricidade para establecer as correspondentes responsabilidades de cara o establecemento das indemnizacións aos usuarios como acontece noutros servizos públicos como o transporte ou os de comunicacións.

Por elo presentamos ante o Pleno a seguinte moción:

1.- Instar a Xunta de Galicia a que, en coordinación coa FEGAMP, aprobe un protocolo de resposta, que estableza os mecanismos de atención e reclamación, ante calquera situación de emerxencia que se produza en Galicia



**Ilmo Concello de
CAMBADOS
(Pontevedra)**

2.- Instar a Xunta de Galicia a habilitar fondos suficientes para dar resposta aos danos provocados polos temporais nos espazos e servizos públicos, e que estes sexan repartidos entre os concellos de forma obxectiva

3.- Instar a Consellaría de Industria a poñer en marcha un estudo das necesidades de mellora da infraestrutura eléctrica no Concello de Cambados

4.- Instar a Consellería de Industria a mellorar xunto coas compañías subministradoras as liñas eléctricas de todo o Concello.

5.- Instar ao Instituto Galego de Consumo a apertura de expedientes as compañías subministradoras para que os usuarios podan reclamar as compensacións pola ausencia de subministro.

6.- Instar ao Instituto Galego de Consumo a que informe aos veciños e veciñas do concello de Cambados dos seus dereitos a hora de facer unha reclamación, organizando unha atención personalizada en colaboración coa FEGAMP co traslado dos técnicos de consumo as instalacións municipais.”.

Intervén Sr. Aragunde Aragunde quen dí que con respecto aos cortes da luz a intensidade desta tormenta, unicamente foi superada polo Klaus, e que no punto máis álxido da tormenta contempláronse 180.000 puntos afectados menos do 10%, mentras no temporal Klaus co bipartito estiveron afectados o 30% dos puntos de luz e houbo 500.000 cortes de luz. Que a rede galega está a mellorarse ano tras ano cun investimento medio de 125.000.000 de euros por parte das distribuidoras, nembargantes requírese de medidas concretas que a Xunta levou a cabo en 2 ámbitos, en primeiro lugar investigando os feitos e as actuacións levadas a cabo polas distribuidoras (abriuse un expediente informativo) e por outro lado os galegos e galegas que se viron afectados a Xunta está a velar polos seus dereitos como consumidores tendo en conta que son as empresas distribuidoras as que terán que facer fronte ás reclamacións. Para iso púxose a disposición dos afectados dos servizos de información e asesoramento dos que dispón a través do Instituto Galego de Consumo e da Competencia, ademáis dos teléfonos de información que puxo a disposición dos usuarios. Remata insistido en que é unha mágoa en que non se chegue a un acordo para instar ás dúas administración e que votarán en contra precisamente por iso ademáis de que a Xunta de Galicia está a velar polos usuarios e que hai en marcha un proceso de investigación.

Intervén a Sra. Sra. Martínez Piñeiro quen dí que os concellos queren ser partícipes deseas reclamacións antes as eléctricas e que se fagan de xeito coordinado coa FEGAMP. Ao que o Sr. Aragunde Aragunde dí que está dacordo en que nesa comisión mixta que eles propuxeron estivera tamén a FEGAMP.

Sometido o acordo do grupo de goberno a votación acádase o seguinte resultado:

Votos a favor 9 (membros dos grupos do P.S.deG.-PSOE, B.N.G., Participación Democrática Directa de Galicia/Somos Cambados e mixto)

Votos en contra 7 (membros do grupo municipal do PP).



Ilmo Concello de
CAMBADOS
(Pontevedra)

En consecuencia queda aprobado o acordo do grupo de goberno para reclamar á Xunta de Galicia un protocolo de actuación especial para facer fronte aos danos producidos polos temporais nos termos en que foi presentado.

4º.- ACORDO DO GRUPO DE GOBERNO PARA DECLARAR O CONCELLO DE CAMBADOS TERRITORIO LIBRE DE PARAÍSOIS FISCAIS.

Intervén o Sr. Charlín Trigo quen dí que Os paraísos fiscais, como sistemas opacos polos que pasan a metade do comercio mundial, provocan disfuncións a nivel global e a nivel local. Con impostos próximos ao 0%, a elusión fiscal das grandes empresas a través dos paraísos fiscais supón unha discriminación económica para as pequenas e medianas empresas que non poden e/ou non queren facer uso deles. A elusión fiscal a través de paraísos fiscais tamén diminúe a recadación pública, polo que é máis difícil financiar o gasto de servizos sociais. Debido á súa opacidade, os paraísos fiscais facilitan o branqueo de capitais, a corrupción, o financiamento do crime organizado, de mafias e de grupos terroristas, o encubrimento de tráfico de armas e outras actividades contrarias aos dereitos humanos e ao ben común.

As graves consecuencias que levan os paraísos fiscais fixeron que diferentes actores internacionais (G7, G20, OCDE, UE) estean a tomar medidas para obrigar a un maior control sobre a utilización dos paraísos fiscais por parte de grandes empresas para eludir ou evadir impostos. Neste sentido, a OCDE estableceu que as empresas multinacionais teñan a obriga de presentar unha listaxe de todas as filiais en cada un dos países nos que opera así como os seus datos de actividade económica e pago de impostos en cada un destes países (Country-by-country reporting). O Goberno español incluíu este requirimento de información que as empresas han de presentar a partires de 2016 que, con todo, limita o alcance deste tipo de medida, xa que só se require a empresas que facturen máis de 750 millóns de euros ao ano e impídese que sexa información de divulgación pública.

Os concellos poden reducir o impacto global dos paraísos fiscais e tratar de modular o comportamento fiscal das empresas cara a prácticas responsables a través dun maior control dos concursos públicos locais, para que estes se dean en condicións de libre competencia, e non de dumping fiscal, e velando por un sostemento dos recursos públicos.

Remata dicindo que hai 50m concellos adheridos (cítaos) e que entende que o Concello de Cambados debe adherirse.

Intervén o Sr. Aragunde Aragunde quen dí que están dacordo e que votarán a favor.

Sometido o acordo do grupo de goberno a votación este é apreciado por unanimidade, en consecuencia queda aprobado o acordo do grupo de goberno para declarar o concello de Cambados Territorio libre de paraísos fiscais ns termos en que foi presentado.

O texto íntegro é o seguinte:



**Ilmo Concello de
CAMBADOS
(Pontevedra)**

Acordo de Goberno para declarar o concello de Cambados Territorio Libre de paraísos fiscais

Os paraísos fiscais, como sistemas opacos polos que pasan a metade do comercio mundial, provocan disfuncións a nivel global e a nivel local. Con impostos próximos ao 0%, a elusión fiscal das grandes empresas a través dos paraísos fiscais supón unha discriminación económica para as pequenas e medianas empresas que non poden e/ou non queren facer uso deles. A elusión fiscal a través de paraísos fiscais tamén diminúe a recadación pública, polo que é máis difícil financiar o gasto de servizos sociais. Debido á súa opacidade, os paraísos fiscais facilitan o branqueo de capitais, a corrupción, o financiamento do crime organizado, de mafias e de grupos terroristas, o encubrimento de tráfico de armas e outras actividades contrarias aos dereitos humanos e ao ben común.

As graves consecuencias que levan os paraísos fiscais fixeron que diferentes actores internacionais (G7, G20, OCDE, UE) estean a tomar medidas para obrigar a un maior control sobre a utilización dos paraísos fiscais por parte de grandes empresas para eludir ou evadir impostos. Neste sentido, a OCDE estableceu que as empresas multinacionais teñan a obriga de presentar unha listaxe de todas as filiais en cada un dos países nos que opera así como os seus datos de actividade económica e pago de impostos en cada un destes países (Country-by-countryreporting). O Goberno español incluíu este requirimento de información que as empresas han de presentar a partires de 2016 que, con todo, limita o alcance deste tipo de medida, xa que só se require a empresas que facturen máis de 750 millóns de euros ao ano e impídese que sexa información de divulgación pública.

Os concellos poden reducir o impacto global dos paraísos fiscais e tratar de modular o comportamento fiscal das empresas cara a prácticas responsables a través dun maior control dos concursos públicos locais, para que estes se dean en condicións de libre competencia, e non de dumping fiscal, e velando por un sostemento dos recursos públicos. Por estes motivos, o Concello comprométese a:

1. Declarar o municipio territorio libre de paraísos fiscais, comprometéndose a dar os pasos necesarios para asegurar que os concursos públicos favorezan ás empresas que teñen condutas fiscais responsables, en detrimento das empresas que utilizan os paraísos fiscais para evadir ou eludir impostos.
2. Estudar, detectar e activar os mecanismos necesarios para dificultar a contratación de empresas privadas para prestar servizos públicos que teñan a súa sede social en paraísos fiscais ou sociedades que formen parte da matriz industrial domiciliada en paraísos fiscais.
3. Comprometerse a tomar as medidas de transparencia seguintes:
 - a. Facer público o compromiso desta moción á cidadanía do municipio, a Oxfam Intermón, aos grupos parlamentarios municipais e á comisión de economía da Comunidade Autónoma, aos gobernos da Comunidade Autónoma e de España, e ao Ministerio de Facenda;



**Ilmo Concello de
CAMBADOS
(Pontevedra)**

b. Compartir con outros municipios e coa cidadanía a información relativa ás decisións sobre as empresas que recibiron puntos positivos e as que non, en función da súa responsabilidade fiscal.

4. Estes compromisos hanse de traducir na tramitación das disposicións legais necesarias para a súa articulación no prazo máximo de tres meses desde a aprobación da presente moción.

5º.- ACORDO DO GRUPO DE GOBERNO POLA DEFENSA DO SISTEMA PÚBLICO DE PENSIÓNS.

Intervén o Sr. Cordal Rodríguez quen da lectura do texto que é o seguinte:

"ACORDO DO GOBERNO MUNICIPAL DE CAMBADOS POLA DEFENSA DO SISTEMA PÚBLICO DE PENSIÓNS

EXPOSICIÓN DE MOTIVOS

As Reformas Laborais dos anos 2010 e 2012 facilitaron os despedidos e trouxeron consigo unha elevada temporalidade, baixos salarios, precariedade laboral masiva e contratación abusiva; así, contribuíron decisivamente a incrementar o déficit da Seguridade Social: as cotizacións non cobren os gastos e o Goberno do Estado vén recorrendo de maneira sistemática a baleirar o denominado Fondo de Reserva das Pensións.

A diminución dos ingresos por cotizacións é unha consecuencia lóxica da diminución de cotizacións polas altas taxas de desemprego, das maiores de Europa, e á baixa calidade dos que se crean. É obvio que a baixa calidade do emprego con salarios baixos produce baixas cotizacións. Outro factor que contribúe decisivamente a esta tendencia negativa é a alta taxa de temporalidade, ligada principalmente ao sector servizos e a outros sectores como a agricultura que non escapan deste tipo de contratación.

Á baixada de ingresos na Seguridade Social tamén contribuíron algunhas medidas do Goberno do Estado en forma de "vantaxes" ao empresariado e aos emprendedores: bonificacións, tarifas planas, etc. Medidas que se venden politicamente como axudas á contratación e que tamén saen da "hucha das pensións". Unhas medidas que se tomaban, paradoxicamente, á vez que se aprobaba unilateralmente a Lei 23/2013 Reguladora do Factor de Sustentabilidade e do Índice de Revalorización das Pensións, é dicir acordando que as pensións podían subir menos que o IPC anual e facendo saltar polos aires o propio Pacto de Toledo.

O Fondo de Reserva das Pensións superaba os 66.000 millóns de euros en 2011 como consecuencia do superávit da Seguridade Social. Tratábase de asegurar unhas pensións dignas actualizadas acordes co IPC anual e de garantir uns Servizos Sociais de calidade, asegurando un Sistema de Autonomía e Atención á Dependencia público e de calidade.



**Ilmo Concello de
CAMBADOS
(Pontevedra)**

Agora mesmo a realidade é que das 9.417.724 pensións existentes a día de hoxe, o 50% está por debaixo do Salario Mínimo Interprofesional e o 70 % está por debaixo dos 1.000 euros.

En 2015 o déficit da Seguridade Social por cotizacións alcanzaba os 16.707 millóns de euros, mentres o Fondo de Reserva das Pensións baixou dos 66.815 millóns en 2011 aos 15.915 millóns no 2016. Isto pon claramente en risco a calidade e o futuro mesmo destas prestacións. Unha estratexia que conecta coa visión neoliberal das pensións como unhas prestacións que deben asegurarse os traballadores e as traballadoras acudindo ás entidades privadas (bancos e aseguradoras), que ven nas pensións un xigantesco negocio de futuro.

A solución pasa obviamente por corrixir esta situación aumentando os ingresos do sistema público de pensións establecendo novas fontes de financiación e impedindo que o Goberno do Estado poida dispoñer arbitrariamente de cantidades do Fondo. E por suposto derogando unha reforma laboral que trae como consecuencia precariedade, desemprego e baixos salarios, e por tanto baixada de ingresos por cotización.

Só coa creación de emprego estable e de calidade, e abandonando o mantra de que o desenvolvemento e a saída da crisis ten que basearse en salarios de miseria, será posible reconducir esta perigosa tendencia que pon en perigo o presente e o futuro das pensións. Tense demostrado nos últimos anos que a recuperación económica non é posible cunha maioría social empobrecida e con baixos salarios (que non consume), e produce directamente máis desemprego e o peche de empresas nun bucle dramático. Algo que comeza a recoñecer incluso o Banco Central Europeo.

Polo anteriormente exposto, preséntase o seguinte ACORDO para o seu debate e aprobación en Pleno pola Corporación Municipal:

1. Pleno Municipal de Cambados insta ás Cortes Xerais e ao Goberno do Estado á derogación das dúas Reformas Laborais, as de 2010 e 2012, debido a que as súas consecuencias son nefastas para a calidade do emprego e poñen en risco a sustentabilidade e o futuro das pensións públicas.
2. Pleno Municipal de Cambados solicita ao Goberno do Estado a derogación da Reforma das Pensións aprobada pola Lei 23/2013 Reguladora do Factor de Sustentabilidade e do Índice de Revalorización das Pensións, co fin de seguir garantindo unhas pensións dignas que suban anualmente o mesmo co IPC.
3. Pleno Municipal de Cambados insta ao Goberno do Estado a establecer por lei que as pensións non poidan estar, en ningún caso, por debaixo do Salario Mínimo Interprofesional. Propoñemos a revalorización da pensión mínima nos seguintes termos: a pensión de xubilación persoal ou co cónxuxe a cargo será equivalente ao SMI anual, a pensión de xubilación con cónxuxe a cargo será equivalente ao 110% del SMI anual.
4. Pleno Municipal de Cambados insta ao Goberno do Estado a que se prohiba por lei a libre disposición do Fondo de Reserva das Pensións para situacións de déficit de cotizacións e a buscar vías de financiación directas dende os Orzamentos Xerais do Estado mentres se siga producindo o déficit por cotizacións.



**Ilmo Concello de
CAMBADOS
(Pontevedra)**

5. Dar traslado deste ACORDO ao Goberno do Estado e aos Grupos Parlamentarios do Congreso dos Deputados e do Senado."

Intervén o Sr. Aragunde Aragunde que o fai nos seguintes términos: "De acordo cos principios contidos na Carta Magna, compete ao poder político a responsabilidade de garantir no futuro un sistema público de pensións xusto, equilibrado e solidario.

- Art. 41 "Os poderes públicos manterán un réxime público de Seguridade Social para todos os cidadáns, que garanta a asistencia e prestacións sociais suficientes ante situacións de necesidade, especialmente en caso de desemprego. A asistencia e prestacións complementarias serán libres".

- Art. 50 "Os poderes públicos garantirán, mediante pensións adecuadas e periódicamente actualizadas, a suficiencia económica aos cidadáns durante a terceira idade. Así mesmo, e con independencia das obrigacións familiares, promoverán o seu benestar mediante un sistema de servizos sociais que atenderán os seus problemas específicos de saúde, vivenda, cultura e lecer".

Polo tanto, o sistema español de Seguridade Social, para facer realidade o principio constitucional, require unha acción protectora de carácter público que garanta unha protección suficiente ante situacións de necesidade e uns recursos económicos estables.

En definitiva, a Constitución xa protexe as pensións públicas e atribúe ao Estado a lexislación básica e réxime económico da Seguridade Social. Como no resto de países europeos, o funcionamento e desenvolvemento desa acción protectora están supeditados ao desenvolvemento normativo.

O PACTO DE TOLEDO E AS REFORMAS PARA SALVAGARDAR O SISTEMA PÚBLICO

O consenso para protexer o sistema de pensións cristalizou no Pacto de Toledo - subscrito en 1995 no marco do Congreso dos Deputados- , constituído como un foro de debate para analizar e detectar os problemas do Sistema de Seguridade Social e elaborar un catálogo de posibles liñas de actuación. Nos seus traballos, o Pacto de Toledo fixo sempre especial fincapé na problemática do financiamento da Seguridade Social e a súa proxección futura para prever as actuacións que deberían adoptarse coa finalidade de evitar os desequilibrios financeiros, como consecuencia dos maiores pagos de prestacións

O obxectivo básico no que se resumen as súas propostas responde ao seguinte enunciado: "garantir no futuro un sistema público de pensións, xusto, equilibrado e solidario, de acordo cos principios contidos no art. 41 da Constitución Española".

Desde este espírito, as últimas Recomendacións do Pacto de Toledo de 2011 (*) recollen, entre outras moitas cuestións, a necesidade de salvagardar o Sistema público e estudar a posibilidade de introducir no Sistema outros índices de revalorización de pensións -non exclusivamente o IPC-, que teñan en conta os salarios, a produtividade, a marcha da economía, etc.

(*) Recomendación nº 2. Mantemento do poder adquisitivo e mellora das pensións: A Comisión, como veu facendo no pasado, defende o mantemento do poder adquisitivo dos pensionistas, a súa garantía por Lei e a súa preservación mediante a adopción de medidas encamiñadas a asegurar o equilibrio financeiro do sistema de pensións no futuro...

Por outra banda, resulta conveniente estudar (para a súa posterior análise e valoración pola Comisión) a posibilidade de utilizar outros índices de revalorización baseados, entre outros, no crecemento dos salarios, a evolución da economía ou o comportamento das cotizacións á Seguridade Social, sendo recomendable que se



**Ilmo Concello de
CAMBADOS
(Pontevedra)**

teñan en conta os efectos que devanditos índices han ter sobre a sostenibilidade do sistema de pensións nos países da nosa contorna.

O Pacto de Toledo abre a porta en 2011 a que se usen outros índices de revalorización de pensións que teñan en conta a evolución da economía ou o progreso das cotizacións. É dicir, indicadores máis realistas. A experiencia demostrou que a regra que liga as pensións ao IPC é unha regra pouco realista cando a conxuntura é adversa: incumpríuse xa dúas veces

-En 2013, a lei dos populares desenvolve o Factor de Sostenibilidade e ademais introduce o Índice de Revalorización de Pensións. A TENDENCIA EUROPEA: GARANTIR A PENSIÓN PÚBLICA A TODAS AS XERACIÓNS

Só 4 países de Europa siguen ligando as súas pensións exclusivamente ao IPC

O ÍNDICE DE REVALORIZACIÓN, A FAVOR DA PERMANENCIA DO SISTEMA - Este índice non só permite neutralizar os riscos que puidese crear un shock demográfico ou macroeconómico.

CONCLUSIÓNS Asistimos a un importante déficit no Sistema e estanse buscando vías de solución para manter a fortaleza actual e futura do Sistema. Ante este escenario falar de perda de poder adquisitivo das pensións é insolidario xeneracionalmente. As pensións que se están pagando, actualmente, son parte do Sistema pero non son todo o Sistema.

O Sistema ten que ser sostible e viable para os millóns de afiliados que actualmente cotizan cada mes.

O índice de revalorización das pensións ten como obxectivo a sostenibilidade financeira do sistema de pensións, garantindo, ademais, a suficiencia das mesmas tal e como se esixe no artigo 50 da Constitución Española.

Nos vindeiros meses, toca reunir á Comisión do Pacto de Toledo, que cada 5 anos ten a obriga de revisar a situación do sistema de pensións, polo tanto, non temos dúbidas de que o Estado e axentes implicados continuarán velando e mellorando o sistema de pensións deste país."

Intervén o Sr. Cordal Rodríguez quen dí que pensaba que ían votar en contra que tamén hai unha visión ideolóxica, que o certo é que isto vai a un ritmo moi acelerado, que porqué non volvemos ao punto de 2011 e que polo menos as pensións suban o IPC, que sí que é verdade que non todos os países contan cun fondo de reserva pero xa que nos si o temos non estaría mal conservalo.

Intervén o Sr. Aragunde Aragunde quen dí que cré no Pacto de Toledo e que pensa que agora ao non ter o PP maioría absoluta obrigará a chegar a un consenso e que é optimista para que en primavera se chegue a un acordó sobre este tema.

Sometido o acordo do grupo de goberno a votación acádase o seguinte resultado:

Votos a favor 9 (membros dos grupos do P.S.deG.-PSOE, B.N.G., Participación Democrática Directa de Galicia/Somos Cambados e mixto)

Abstencións 7 (membros do grupo municipal do PP).

En consecuencia queda aprobado o acordo do grupo de goberno pola defensa do sistema público de pensións nos termos en que foi presentado.



Ilmo Concello de
CAMBADOS
(Pontevedra)

6º.- MOCIÓN DO GRUPO MUNICIPAL DO PP SOLICITANDO A MAIOR CANTIDADE POSIBLE DENTRO DO PLAN CONCELLOS 2017 AO MANTEMENTO E ARRANXO DOS DESPERFECTOS NOS CENTROS EDUCATIVOS DE CAMBADOS E SE INICIE UN PLAN ESPECIAL PARA SOLUCIONAR OS PROBLEMAS DE MANTEMENTO DOS COLEXIOS.

Intervén o Sr. Aragunde Aragunde quen dí que non vai dar lectura á moción porque está bastante clara, dí que veñen de revisar a gran maioría dos colexios de Cambados e que nos atopamos con moitos desperfectos como peches perimetrais, en concreto en Santo Tomé, nalgúns colexios as zonas verdes están bastante descoidadas, que lles comentarios pais que nun colexio de corvillón que había problemas coa calefacción e algunhas outras deficiencias, así pois aproveitando o plan concellos, non fixamos cantidade, e tamén se necesitan lóxicamente operarios e está a piques de chegar a semana santa e haber se nesa data se poden arranxar os colexios, entende que é unha moción construtiva, sabemos que os colexios necesitan un mantemento constante, antes e agora, que eles practicamente todos os días tiñan operarios e que non daban feito, que entende a falta de persoal. Remata dicindo que espera que voten a favor e que veñen coas mellores intencións.

O texto íntegro da moción é o seguinte:

"O mantemento das instalación nos colexios de infantil e primaria correspóndelle ós concellos, esta competencia municipal esixe unha implicación intensa e constante por parte das concellerías de obras – servizos e concellería de educación en cada municipio. Debemos ser conscentes da importancia que implica asistir e colaborar cos equipos directivos e Anpas, xa que estas persoas están mais preto da realidade e coñecen as necesidades proritarias e urxentes de cada centro.

Dende o inicio do presente curso 2016-2017 e con mais insistencia nos últimos meses, nos comentan nais e pais de alumnos de diferentes centros educativos de Cambados, a existencia de deficiencias nos colexios que non se reparan e necesitan unha atención inmediata, humidades, pavimentos rotos, xardíns ou zonas verdes descoidados ou mesmo peches perimetrais rotos nalgún centro posibilitando a saída do cole aos mais pequenos.

O Concello de Cambados ao igual que o resto dos concellos da provincia menores de 50.000 habitantes, foi beneficiaria ao abeiro do Plan de obras e servizos (Plan Concellos 2017), dunha axuda da Deputación de Pontevedra por importe de 923.739,30 €.

As bases que regulan o Plan contemplan a posibilidade de destinar o importe que se concede a 3 liñas de actuación : investimentos; amortización, pagamento de débedas e gasto corrente; emprego.

Na medida que as bases do Plan deixan liberdade ó Concello para empregar o importe das axudas entre as liñas de actuación, cumprindo cunhas porcentaxes máximas e mínimas en cada liña, o grupo municipal do Partido Popular de Cambados,

INSTA AO GOBERNO DE CAMBADOS:



**Ilmo Concello de
CAMBADOS
(Pontevedra)**

1. Se destine a maior cantidade posible, dentro do Plan Concellos 2017 ó mantemento e arranxo dos desperfectos nos centros educativos de Cambados.
2. se inicie un plan especial, dotado de recursos económicos e humanos para solucionar os problemas de mantemento que están a sufrir os colexios deste municipio.”.

Intervén o Sr. Caamaño Rivas quen dí que se vai centrar en aspectos concretos pero que cré que esta moción daiu dun whatsapp ao que o Sr. Aragunde Aragunde resposta que non, que a raíz das visitas comentou cos seus compañeiros a posibilidade de levar a pleno unha moción constructiva vinculando o arranxo co plan concello e que foi despois cando a a concelleira Oubiña Santos lle comentou o tema da calefacción, así pois non saíu de ningún whatsapp. Prosegue o Sr. Caamaño Rivas dicindo que é unha moción constructiva pero nada autocrítica, que antes estaba o PP gobernando e parece que o deterioro dos centros escolares prodúxose coa entrada do novo goberno, realmente dende hai moito tempo os colexios necesitan arranxos, que foi unha mágoa que co boom económico nos adicaran máis cartos ao arranxo dos colexios, que no FOMIT empregaran cartos para ensinar adoquíns para gañar eleccións e se olvidaran dos colexios, que ve que non hai nada de autocrítica. Prosegue dicindo que un día lle chamou o Director de San Tomé dicindo que estaba a calefacción estrapeada e que o día seguinte estaba un fontaneiro arranxando a calefacción o problema é que como tiña moitos anos estaba estropeada a bomba como acababa de pasar no colexio de Castrelo, que en ningún momento se dubidou de arranxalo, o problema é que houbo que solicitar a peza e no intre en que chegou se arranxou o problema e que non regulou ben a calefacción e tardou dous días máis e iso foi o que pasou, o que diga unha nai o deixe de dicir lle parece moi ben pero que el cando tivo coñecemento da incidencia por parte do director do colexio actuou de inmediato.

Dí que empezan dicindo con moita intención que o mantemento corresponde aos concellos, que é certo pero logo entramos na polémica se cambiar unha ventá é mantemento ou non e se cambiar un valado que vale entre 15.000 e 17.000 euros é mantemento ou non, que volveron a dobrar as vallas, que se ninguén lle dí as cousas non o pode saber e actuar en consecuencia, que o valado está penoso pero que ven de atrás, que se levantou a cimentación coa raíces das árbores. Que acaban de cambiar ventás en corvillón e que non é mantemento que van a pintar o colexio de Vilarinho e que tampouco sería mentemento, que se está falando de oportunismo non dunha moción constructiva e que non é de recibo que cando eles non o fixeron agora veñan a dicir como se ten que actuar. Remata dicindo que seguirán arranxando os colexios, e que claro que fai falta máis inversión en colexios.

Intervén a Sra. Oubiña Santos quen dí que a queixa da calefacción lla fixeron a ela de forma expresa e que non ten whatsapp de ANPAS, a ela chamárona por teléfono e non foi ningunha nai, a instancia do Sr. Caamaño quen lle pide datos dí que foi un mestre e que lle dixo textualmente que levaban con ese problema mes e medio e que lle dixeron no concello que paro o que quedaba de inverno non ían a gastar 2.000,00 euros.



Ilmo Concello de
CAMBADOS
(Pontevedra)

Intervén o Sr. Aragunde Aragunde quen lle dí ao Sr. Caamaño Rivas que tan falso é dicir que antes non se fixo nada como dicir que agora é un caos, que eles agora teñen unha serie de queixas e así as trasladan ao pleno e que él non dixo que fora caótico e que ogallá tiveran máis operarios antes e agora para facer fronte ás necesidades dos colexios. Prosegue dicindo que co FOMIT non se podían arranxar colexios, só Magariños e que tampouco puideron, que eles fixeron en mantemento máis ou menos o mesmo pero que trouxeron inversións da Xunta de Galicia e cita algunhas dos últimos 6 anos: cambiar cuberta do Magariños 20.000,00 €, a cuberta do colexio de Vilariño cambiouse tortalmente, en Castrelo no pabillón fixéronse os vestiarios e un peche, no Asorey 1.000.000,00 €, no Ramón Cabanillas 408.00,00 €, o Pabillón do Magariños novo, o comedor, a ludoteca e as ventáns do Magariños, o asfaltado do colexio de Corvillón, e que podería dicir moitas máis e en época de crise, que estas inversións aforraron moitos cartos en mantemento. Remata dicindo que entenden que debe facerse un plan para intentar ter os colexios en bo estado.

Intervén o Sr. Caamaño Rivas quen dí que está o Sr. Aragunde Aragunde a falar doutra cousa da que ven na moción, que fala de inversión e que en mantemento adicaban practicamente o mesmo que se adica agora e pregunta porqué entón non fixeron eles ese plan que demandan agora.

Intervén o Sr. Aragunde Aragunde quen dí que se queren faise unha emenda a moción para reclamar inversión á Xunta de Galicia.

Intervén o Sra. Cacabelos Domínguez quen dí que os colexios sempre tiveron necesidades, que ela estivo na ANPA de San Tomé e que houbo moitas necesidades que o anterior goberno non atendeu, que agora vanse atendendo pero que por exemplo o valado volveuse arranxar e segue a estar mal e que habería que solicitarle á Xunta de Galicia que puxera un novo ao que o Sr. Aragunde Aragunde dí que sí, que está dacordo e que presentan unha emenda para reclamarle actuacións á Xunta de Galicia.

Intervén o Sr. Caamaño Rivas quen dí que é unha moción cínica.

Sometida a moción a votación acádase o seguinte resultado:

Votos a favor 7 (membros do grupo municipal do PP).

Votos en contra 9 (membros dos grupos do P.S.deG.-PSOE, B.N.G., Participación Democrática Directa de Galicia/Somos Cambados e mixto)

En consecuencia queda rexeitada a moción do grupo municipal do PP solicitando a maior cantidade posible dentro do plan concellos 2017 ao mantemento e arranxo dos desperfectos nos centros educativos de Cambados e se inicie un plan especial para solucionar os problemas de mantemento dos colexios.

7º.- ACORDO DO GRUPO DE GOBERNO PARA RECLAMAR Á XUNTA DE GALICIA A CREACIÓN DUNHA REDE ESTABLE DE CENTROS DE INFORMACIÓN Á MULLER (CIM).



**Ilmo Concello de
CAMBADOS
(Pontevedra)**

Intervén a Sra. Alcadesa procedendo á lectura da parte dispositiva da proposta de acordó do grupo de goberno, o texto íntegro é o seguinte:

"ACORDO DE GOBERNO PARA RECLAMAR Á XUNTA DE GALICIA A CREACIÓN DUNHA REDE ESTABLE DE CENTROS DE INFORMACIÓN Á MULLER (CIM)

EXPOSICIÓN DE MOTIVOS:

As políticas de apoio á muller e contra a violencia machista son unha competencia da administración autonómica que veñen sendo exercidas polas autoridades municipais en moitos concellos a través dos Centros de Información á Muller (CIM).

Dende estes centros as mulleres son informadas e asesoradas en diversos aspectos que van dende temas legais ate a asistencia de psicólogos e médicos. Estes centros dependen dos propios concellos aínda que contan cun sistema de axudas e subvencións da administración autonómica que varían dependendo de cada un dos orzamentos da Xunta.

Recentemente vimos como un CIM na provincia de Pontevedra tivo que realizar unha reestruturación dos seus servizos por un conflito laboral co seu persoal que databa do ano 2006.

A situación creada por unhas subvencións para o persoal e o mantemento do centro que varían de ano en ano, fan case que imposible o afrontar un servizo permanente que obriga aos concellos en moitas ocasións a cubrir o déficit do servizo con aportacións propias dos seus orzamentos sen ser unha competencia municipal.

Dende o equipo de goberno do Concello de Cambados vimos mantendo a necesidade de que as políticas de igualdade e atención ás vítimas de violencia machista deben quedar fora dos recortes que nos últimos oito anos veñen sufrindo os orzamentos da Xunta en mans do Partido Popular. E igualmente consideramos que é a Xunta de Galicia a que debe desenvolver as súas competencias e non descargar sobre as autoridades locais a responsabilidade de executalas.

Por todo iso, o equipo de goberno propón ao Pleno do Concello de Cambados o seguinte:

ACORDO:

1. Instar á Xunta de Galicia, á creación dunha rede estable de CENTROS DE INFORMACIÓN Á MULLER en todos os concellos da provincia e fixar unha cantidade anual fixa para o mantemento dos CIM municipais.
2. Dotar economicamente estes centros para garantir as necesidades de persoal e mantemento das instalacións que os concellos poñan a disposición dos CIM tendo continuidade no tempo de xeito que se eviten conflitos innecesarios por cuestións laborais ou económicas.
3. Dar traslado á Conselleira de Benestar Social e ao Presidente da Xunta do acordo deste Pleno."



**Ilmo Concello de
CAMBADOS
(Pontevedra)**

Prosegue dicindo que o Decreto legislativo 2/2015, do 12 de febreiro, polo que se aproba o texto refundido das disposicións legais da Comunidade Autónoma de Galicia en materia de igualdade establece no artigo 1 o compromiso da Comunidade Autónoma de Galicia na eliminación da discriminación entre mulleres e homes e na promoción da igualdade e atribúe a maior efectividade posible, no seu eido de competencias, ao principio constitucional de igualdade de oportunidades entre as persoas de ambos os sexos, de conformidade coas obrigas impostas aos poderes públicos de Galicia no artigo 4 da Lei orgánica 1/1981, do 6 de abril, do Estatuto de autonomía para Galicia. Entre estas obrigas figura a de promover as condicións para que a liberdade e a igualdade da persoa e dos grupos en que se integra sexan reais e efectivas, así como remover os atrancos que impidan ou dificulten a súa plenitude.

O Decreto 182/2004, do 22 de xullo, polo que se regulan os centros de información ás mulleres e se establecen os requisitos para o seu recoñecemento e funcionamento, creou un marco de regulación e acreditación dos CIM,s e configurounos como un servizo de titularidade da Administración local para poder ser beneficiarios do apoio económico da Xunta de Galicia.

O recente DECRETO 130/2016, do 15 de setembro de 2016, mediante o cal queda derogado o Decreto 182/2004, do 22 de xullo. Un Decreto que supón novas obrigas na contratación de persoal por parte dos concellos e a asunción de novos servizos como: asesoramento na súa área de influencia ao colectivo de persoas lesbianas, gays, transexuais, bisexuais e intersexuais, tanto individualmente como ás asociacións e federacións que o demanden.

Neste intre o que está claro é que debemos reivindicar que a Administración autonómica debe exercer as súas competencias, sobre todo, cando a Lei de Racionalización e Sostenibilidade da Administración Local, coñecida como "Lei Montoro", fixa e limita as competencias dos Concellos, nas que non se atopan o asesoramento á muller. Por tanto queda claro que a Xunta de Galicia é a única administración que ten competencias nesta materia e que debe asumir os seus cometidos e redefinir os CIM,s de toda Galicia, referíndose aos da provincia de Pontevedra.

Porqué se pide neste acordo do grupo de goberno que se inste para unha creación dunha rede autonómica, integral, sostible equilibrada e permanente, pois porque é necesira para que todas as mulleres, independentemente de onde vivan, teñan acceso aos mesmos servizos e non corran riscos polas dificultades dos concellos para prestar un servizo básico como é a información e asesoramento á muller esta rede integral o que pretende é que todos os Concellos teñan este servizo e que dependa da Xunta de Galicia, que deberá artellar o seu reparto territorial por exemplo de 61 municipios da provincia de Pontevedra só 35 forman parte da rede CIM´s da Xunta actual, 21 de xeito individual e 14 como é o caso de Cambados mancomunados, 27 concellos de esta provincia non teñen CIM, unha rede equilibrada para que se optimicen a atención segundo necesidades territoriais, Pontecaldelas que ten uns 6.000 habitantes ten unha avogada 4 días á semana a xornada completa, mentres que Pontevedra cidade que ten 50.000 habitantes ten unha avogada 2 días á semana. No caso de Cambados que temos



**Ilmo Concello de
CAMBADOS
(Pontevedra)**

aproximadamente 14.000 habitantes temos unha Directora Letrada e unha psicóloga 3 días á semana, no servizo mancomunado con Meis e Ribadumia así pois non existe un criterio que garante unha rede equilibrada de CIM,s ademais se precisa que sexa sostible e que dispoña dos suficientes recursos para o seu mantemento sen as variacións que poden emanarse da falla de financiación europea ou os vaivéns dos orzamentos autonómicos e se precisa que esta rede sexa permanente, a rede non pode estar a mudar por problemas laborais ou de localización polo que deben artellarse as medias necesarias para o seu mantemento no tempo. O da falla de financiación europea se refire porque as axudas nos CIM's están cofinanciadas polo Fondo Social Europeo ata nun 80%, polo tanto, a aportación económica que fai a Xunta é so dun 20 % do total do orzamento, polo tanto máis que xestionar os recursos doutras administracións o que debería facer a Xunta de Galicia é dotar de máis recursos a este servizo tan fundamental para garantir os dereitos das mulleres e débese sobre todo a garantir e asegurar ademais deste financiamento dos CIM,s existentes , xa que as axudas que lles chegan aos concellos non teñen data fixa e varían a contía cada ano xerando unha inseguridade co agravante ademais de que estes Fondos Sociais Europeos finalizan no ano 2020 sen que teñamos garantías actuais de se vai haber unha continuidade nesta subvención e que os CIM,s se segan mantendo. Entón o que se precisa é que os CIM,s poidan prestar un servizo adecuado que deberían incluír inversións, ademais en dinamización e prevención de violencia de xénero non só para a atención ás vítimas, senón na prevención.

Intervén o Sr. Aragunde Aragunde quen dí que os CIM son recursos de titularidade municipal, con competencias da Xunta de Galicia, por tanto son as entidades locais as que deciden poñer en funcionamento este servizo no seu territorio, así a Xunta de Galicia non pode imponer este servizo en ningún concello. A rede integral que solicitudes xa está contemplada no Decreto de CIM's (interrompe e Alcaldesa preguntando en que decreto ao que o Sr. Aragunde dí que o 130/2016, do 15 de setembro), prosegue dicindo que regula a clase de atención que se debe de dar, os horarios as condicións, a formación e capacitación dos profesionais que forman parte do CIM e a mellor atención para os usuarios de toda Galicia, que a través deste decreto polo que se establecen os requisitos e o procedemento para o recoñecemento e acreditación destes centros, o que os habilita para poder participar nas convocatorias de axudas que convoque o órgano competente en materia de igualdade da Xunta de Galicia

Que nestes momentos, en Galicia hai 80 CIMs que cubren a práctica totalidade do territorio da Comunidade Autónoma (12 máis que no ano 2005)

En canto a dotación económica dos CIM's por parte da Xunta dí o Sr. Aragunde que a dotación económica xa se está producindo a través das ordes anuais de convocatorias para entidades locais. A última publicouse o 5 de setembro de 2016. Remata dicindo que o balance 2006-2016 de orzamentos que se destinan ás entidades locais é o seguinte ano 2005: 1.837.400 €, ano 2016: 4.235.331 €, en canto ás persoas atendidas dí que dende o ano 2010 ata o ano 2015, nos 80 CIMs recibíronse 507.403 consultas e se atenderon a 196.002 persoas

Intervén a Sra. Alcaldesa quen dí que o que se pide nesta moción é a creación dunha rede estable, que na provincia de Pontevedra hai 27 concellos que non teñen



**Ilmo Concello de
CAMBADOS
(Pontevedra)**

CIM, que o Sr. Aragunde fala dese Decreto 130/2016 pero que non fala de cómo se van a solucionar a asunción de novos servizos que teñen que levar a cabo os CIM's como o asesoramento na área de influencia de colectivos de lesbianas, gays, transexuais, bisexuais e intersexuais tanto individualmente como as asociación e federacións que o demanden, non explican como se van a resolver estes problemas como a contratación de persoal, ademais pídese dotar economicamente estes centros xa que non se sabe que cantidade corresponde anualmente a un concello, que a subvención que outorga a Xunta de Galicia é dun 20% e que como ben dixo o Sr. Aragunde o Fondo Social Europeo está ata o 2020, entón xa que se aprobou este novo decreto o que era máis lóxico é que este decreto xa tivese previsto que é o que se vai facer cons CIM's cando o FSE remate no ano 2020. Por outra parte dí que hai unha discrepancia nos datos xa que dos que ela dispón a Xunta de Galicia ten recortado nos orzamentos autonómicos destinados para as accións para a igualdade, protección e promoción da muller con respecto ao ano 2010 un 16,48%, que non lle sorprende o voto en contra xa que dende a súa perspectiva ten moi claro que o compromiso que ten a Xunta de Galicia coa igualdade da muller é 0, que así o vé como cando dixo o Sr. Aragunde que as mocións que se presentaban en defensa da muller el tildávaas de mocións de recheo (o Sr. Aragunde Aragunde dí que él non dixo iso nunca, que él cando dixo o dos plenos de recheo nunca se referiu a esas mocións e dí que non vai permitir que a Sra. Alcaldesa diga iso). Remata dicindo que a proba disto é que había 0 € adicados á promoción de igualdade, concellería da muller inexistente, xornadas nese eido, así como de violencia de xénero 0 €, plan de igualdade de oportunidades no noso concello inexistente, protocolo ante o acoso inexistente e que este é o feito de facer política o PP en Cambados e na Xunta de Galicia e menos mal que esta situación agora mudou.

Intervén o Sr. Aragunde Aragunde dicindo que non é certo que non fixeran actividades e actuacións en relación coa violencia de xénero e todas esas actividades que a alcaldesa acaba de mencionar, que non ten agora mesmo os datos, que a falla de dotación non orzamentos non implica que non se fixeran esas actividades que sí se fixeron en Cambados, programas a través da Deputación de Pontevedra e da Xunta de Galicia.

Intervén a Alcaldesa quen dí que non había concellería da muller e que non se fixo nada como actividades propias do Concello senón as prestadas polo CIM que se presta mancomunadamente.

Intervén o Sr. Aragunde Aragunde que dí que hai 80 CIM's que cubren todo o territorio

Intervén a Sra. Alcaldesa quen dí que o que se pide non é para facer actividades senón para o mantemento do persoal e das instalación, que as actividades xa as están a facer igual.

Sometido o acordo do grupo de goberno a votación acádase o seguinte resultado:

Votos a favor 9 (membros dos grupos do P.S.deG.-PSOE, B.N.G., Participación Democrática Directa de Galicia/Somos Cambados e mixto)



Ilmo Concello de
CAMBADOS
(Pontevedra)

Votos en contra 7 (membros do grupo municipal do PP).

En consecuencia queda aprobado o acordo do grupo de para reclamar á Xunta de Galicia a creación dunha rede estable de centros de información á muller (CIM), nos termos en que foi presentado.

8º.- DAR CONTA DO INFORME DE INTERVENCIÓN DO PERÍODO MEDIO DE PAGO A PROVEEDORES DE PAGO DAS ADMINISTRACIÓNS PÚBLICAS CORRESPONDENTE AO CUARTO TRIMESTRE DE 2016.

Intervén o Sr. Charlín Trigo que dí que segundo os datos facilitados no informe do departamento de intervención municipal con respecto o calculo do período de pago medio a provedores do cuarto trimestre do exercicio 2016, o concello de Cambados esta a mudar a tendencia negativa que arroxaban estes datos pola débeda herdada dos gastos sen crédito orzamentario do anterior goberno.

Este incumprimento viña motivado segundo os informes de intervención polos gastos realizados sen consignación orzamentaria polo anterior goberno. Así nos informes de intervención do período medio de pago a provedores de anteriores trimestres di textualmente: "*Os motivos principais de dito incumprimento o constitúe os numerosos gastos realizados sen consignación orzamentaria que foron ou están sendo obxecto de expediente de recoñecemento extraxudicial de créditos.*" Neste trimestre, pola contra, o concello de Cambados foi quen de diminuír o período medio de pago por debaixo do límite legal, pasando dos 64 días do 1º Trimestre de 2016 e os 45 días do 2º Trimestre, a poder cumprir o período legal de 30 días de pago a provedores no terceiro trimestre cun prazo de 21 días e mantelo neste cuarto trimestre cun prazo de 27 días. Cumprindo desta maneira cun dos puntos fixados no Plan de Axuste Económico Financeiro imposto polo ministerio de facenda ao non cumprir a estabilidade orzamentario no exercicio 2015 polo excesivo gasto realizado polo anterior goberno.

O Pleno dase por enterado do informe.

9º.- Dar conta do informe de Tesourería emitido en cumprimento da Lei 15/2010 relativo ás obrigas recoñecidas respecto das cales transcorreo o prazo previsto paqra o seu pagamento

Intervén o Sr. Charlín Trigo que dí que segundo os datos facilitados no informe do departamento de Tesorería municipal con respecto a morosidade do cuarto trimestre do exercicio 2016, o concello de Cambados esta a mudar a tendencia negativa que arroxaban estes datos pola débeda herdada.

A débeda pendente do concello de Cambados con provedores situase no importe máis baixo dende que o concello de Cambados emite informes, así neste trimestre a morosidade e de 591.652,26 €, reducindo a metade a morosidade en comparación co saldo do mesmo trimestre do exercicio 2015, xa que no peche de 2015 cando remataron de presentarse a maioría das facturas do anterior goberno, este importe chegou a ser de 1.180.580,17 €, polo que sendo este dato o máis baixo o peche dun exercicio dende que se emiten informes de morosidade no exercicio 2011.



**Ilmo Concello de
CAMBADOS
(Pontevedra)**

Consideramos estes datos como positivos, o poder cumprir co prazo legal do Período Medio de Pago a provedores que marca a lexislación vixente neste trimestre, mostra nos datos os esforzos en materia económica que se están a realizar, xa que cumprir co prazo de pago a provedores non debe ser so unha exigencia legal se non tamén un esforzo por parte dunha administración eficiente, xa que isto supón que os provedores do concello de Cambados, en moitos casos empresas cambadesas, van cobrar antes os seus traballos e as súas facturas.

O Pleno dase por enterado do informe.

10.- DAR CONTA DAS RESOLUCIÓN DA ALCALDÍA

O pleno dase por enterado.

A Sra. Alcaldesa pregunta en base ao previsto no artigo 37 do ROM se algún grupo desexa someter á consideración de urxencia algún asunto que non teña cabida na quenda de rogos e preguntas. Non se presenta ningún.

11º.- ROGOS E PREGUNTAS

Procédese a dar resposta oral por parte da alcaldesa ás preguntas realizadas na sesión anterior, as dúas primeiras preguntas contéstante conxuntamente:

- 1.- En que data se remitiu o proxecto da Nova Praza de Abastos adaptado ao documento base do Plan Especial de Portos de Galicia?
- 2.- Data na que se remitiu a memoria xustificativa da vinculación e necesidade do mercado e praza de abastos á actividade portuaria?

Na reunión mantida cos técnicos de Portos de Galicia se nos indicou que remitíramos esta documentación unha vez fora aprobado inicialmente o estudo de impacto medioambiental e a día de hoxe aínda Portos de Galicia non remitiu na súa totalidade o Plan Especial polo tanto non se lle pode remitir dita documentación

- 3.- Cando se reunirá a Comisión Coordinadora da "Ciudad Europea del Vino?

O primeiro paso consiste en firmar os convenios de colaboración coas entidades participantes, pero para elo é necesario que os organismos implicados se impliquen e colaboren no proxecto. Ata o de agora tan so a Deputación de Pontevedra se comprometeu firmemente a desenrolar varias actividades do proxecto. A Mancomunidade do Salnés tamén está colaborando en algunha acción puntual e estamos esperando pola Xunta de Galicia para que nos mostre cal vai a ser a súa colaboración.

- 4.- Cal é a porcentaxe económica dos proxectos rematados e xustificados, a día de hoxe, do Plan Concellos 2016?

A porcentaxe aproximada é dun 30 %. Nestes momentos estamos todavía á espera da concesión de autorización por parte de Patrimonio para



**Ilmo Concello de
CAMBADOS
(Pontevedra)**

executar varios proxectos do entorno de Fefiñáns e tamén da propia praza de Fefiñáns. A contratación de obras está perfectamente planificada e nas próximas semanas se adxudicarán todas as obras restantes.

5.- Ademáis da interventora a tempo parcial, hai alguna outra persoa doutra administración traballando nestes momentos, que procedemento de contratación se utilizou, que tipo de contrato, remuneración económica e que funcións desempeña?

Neses momentos (26 de Xaneiro), non.

A interventora non está como administrativa a tempo parcial, senón que é unha funcionaria de habilitación nacional que estaba no Concello de Cambados por acumulación co Concello de Salceda aínda que xa rematou o seu nombramento.

Antes desa data, rematou a súa prestación de servizos un administrativo, en virtude dun Convenio de Colaboración co Concello de Pontevedra asinado por ambos alcaldes, para levar a cabo a realización de tarefas administrativas, dese Concello. Convenio de colaboración que conta con informe favorable de Intervención e que poderá ser examinado en dependencias municipais cando así o desexe calquera dos concelleiros.

6.- Continuará pechada a Calle Rosalía de Castro na zona próxima á Torre da Homenaxe, otenciando a entrada de vehículos pola praza de Fefiñáns e poñendo en risco o arco do Pazo de Fefiñáns, agora Ben de Interés Cultural?

O fluxo de tráfico a través do arco de Fefiñáns se reduciu casi totalmente, debido ao corte da rúa Rosalía de Castro á altura da Torre Homenaxe. En breve se realizará unha reordenación das zonas de aparcamento na mesma praza, potenciando a súa humanización e aumentando polo tanto tamén a seguridade e protección para toda as persoas que visitan esta praza andando. Son estas medidas importantes cun obxectivo moi claro que é o de mellorar a seguridade das persoas e protexer un entorno histórico que é motor turístico e cultural para o noso pobo.

Rematada a contestación ás preguntas sa sesión anterior pregúntase se algún concelleiro quere formular algún rogo ou pregunta.

O Sr. Aragunde Aragunde fai as seguintes preguntas:

1.- Nos pasados días vimos na prensa que un grupo de vecinos de Castrelo protestaban por unha obra realizada na estrada provincial Couto de Arriba – Couto de Abaixo e a problemática referíase á recollida de augas pluviais, está resolto este problema e se é así que solución se lle dou?

Formula os seguintes rogos:

1.- Se reúnan as entidades, asociación e administración implicadas no certame de escultura Asorey, xa que este concurso era un referente en Galicia parece que agora xa non é unha prioridade para este concello polo tanto entendemos que non



**Ilmo Concello de
CAMBADOS
(Pontevedra)**

se debería perder. Contesta o Sr. Caamaño Rivas quen dín que o que non lle parece razoable é que a Asociación Asorey aínda no se dirixiu ao Concello de Cambados e que se enteraron pola prensa, dí que encantados de falar con ela pero que lles sorprende enterarse pola prensa e que deben dar unha data concreta.

2.- Que coordinen mellor as convocatorias e haber se así celebramos despois de ano e medio un pleno ordinario cunha convocatoria dentro do prazo legal.

E sen máis asuntos que tratar a Sra. Alcaldesa da por rematada a sesión, cando son as vintedúas horas e corenta e nove minutos, de todo o que eu como secretario dou fe.

Vº. e Prace
A ALCALDESA

